

三魚堂日記

序

履向讀陸清獻公遺書並其年譜竊慕公之爲人獨未見
公日記今始得吳江柳君湘生所刻尋繹累日乃爲之言
曰

國朝理學諸儒研窮微奧可稱紫陽功臣者無過安溪李
子至立身制行粹然無毫髮疵則有不逮於公焉公確守
程朱其貶斥陽明及論梁溪蕺山之偏或頗以爲過然理
之至當不容有二是非同異之界辨之必明而持之必力
乃公衛道之志則然非有門戶之見存也是記所錄凡舟
車之所歷耳目之所構日星之運江河之流時政之得失

民生之利病固不畱意而又或求諸書卷或反諸心身或取諸友朋之議論其要則由學問思辨以歸於篤行而以徒事空言爲大戒此公之學所以體用兼該雖持異議者究不能有所不足於公也唯所載諸子瑕類多出於傳聞之辭如陽明下南昌縱士擄掠及得盜卽金寶子女翟稼軒居鄉暴橫貪淫顧亭林殺叛奴而盡取其所有張考夫之教過嚴而無法如此類比似未盡足據荀卿子有言是非疑則度之以遠事驗之以近物參之以平心公於陽明僅不信其初通宸濠謀蓋特一時之見稼軒亭林考夫事亦不過偶述所聞使公晚年重定是記其必有所辨正或

加刊削無疑柳君篤耆儒書取付剗剗其嘉惠後學之意
可謂勤矣履恐所載傳聞之辭讀者不察輒以訾訾前賢
也因柳君屬爲序言附論之如此世有知言君子或不以
爲僭云道光二十有二年歲次壬寅秋八月震澤後學張
履謹譔

後序

古之君子因省身之學而有日記蓋本於曾子吾日三省之說而兼古史記言記事之體君子之嚴治其身自天子以至於庶人無有異也唐李習之始爲來南錄以紀道里而宋元諸儒如黃勉齋許益之以至明之黃蘊生皆有所述見於紀載蓋其慎也本朝平湖陸清獻公理學推伏當代從祀聖廟世無異詞其所著書皆已刊定獨三魚堂日記一種未見印本愚嘗得其書數卷愛其理境精純詞語簡質以爲可資檢察求是非友人吳江柳子湄生喜刻前哲遺書屬以行世君又從友人所借得全本校刊改題

陸清獻公日記凡十卷寄予楚中屬爲序焉予謂公之書
不待序而行卽言序則今茲所列張廌二家之言其辨世
俗諸疑與夫年譜之宜相輔而行者其語皆切當矣至於
公所紀載傳聞異詞當時固自有說而今不復爲詳論者
此固在善讀其書者之自得之而非愚一人所能定也淺
陋庸劣如椿固不當敘公之書徒以柳子誣諉之勤不欲
沒其所自始故略敘緣起用明平時嚮往之私亦以竊附
名見爲幸云道光癸卯仲秋五日婁後學桃椿謹序

校勘陸清獻公日記凡例

一原書祇標丙午公車日記丁未南旋日記等名自乙卯以下逐年編次並不分卷數茲以篇帙繁重釐爲十卷
一原書漕河至北京路程暨邊海沿江郡邑衛所並錄在書前茲改附卷一末

一原書先生所手錄者未得寓目姚君寄示庚申後四卷乃輾轉傳鈔之本卜氏本雖未殘缺又係蠅頭草書皆不能無誤茲參校以先生文集年譜及松陽鈔存三魚堂臚言等書正其訛謬其爲諸書不減必確鑿無疑者方改之否則概依原文不敢妄動一字倘別有善本借

讀當於卷後附以正誤

一卜氏本云照古香堂鈔本校正又有珩按不下數十百條蓋皆平湖畱意是書者也而不詳其姓氏又凡珩按盡引年譜文集茲以二書久已風行海內無庸贅述唯存有發明者兩條以見崖略餘悉從刪

同邑後學顧廣譽敬識

三魚堂日記目錄

卷一

丙午 康熙五年 丁未

卷二

丁未 己酉 庚戌 壬子

卷三

乙卯 丁巳

卷四

戊午上

卷五

戊午中

卷六

戊午下

卷七

庚申 辛酉 壬戌

卷八

癸亥 甲子

卷九

乙丑 丙寅 丁卯

卷十

戊辰 己巳 庚午 辛未 壬申

三魚堂日記卷一

吳江後學



丙午

公車記

十一月廿六日家中起程晚宿新帶

廿七至平湖

廿八自平湖開船到嘉興

廿九停船嘉興

三十同嵩來自嘉興開船晚泊王江涇

十二月初一至蘇州

初二泊船閘門外遇沈平遠王錫九

初三至無錫

初四至常州

初五至呂城

初六至丹徒

初七在丹徒因糧船挨擠步行至鎮江渡江至瓜州復步行至陳家灣雇小船更餘至揚州驛子行候海谷家時福

建葉

名

字晉太倉張

名

爲煥願

名

梅同寓

初八在驛子行寫驛因進城觀覽驛價六兩一錢

初九自揚州起程至邵伯鎮遇鄭元閣昆季

初十至高郵州打尖始遇趙吳行遂訂同行晚宿界首

十一寶應打尖宿平河橋

十二至清江浦渡河宿王家營

十三宿新集舊路從魚溝至新集近因河決舊路不通西至桃源河東過渡始得至新集

十四仰化集打尖宿宿遷按碑記宿遷在春秋爲鍾吾國今屬淮安

十五峒崕集打尖此地屬宿遷有峒崕山地以山名也宿紅花埠此地屬郟城縣爲江南山東兩省分界之地

十六郟城縣北關打尖縣北多小水皆有橋可過宿李家莊此地屬沂州沂水在其旁是夕遇張介石

三
十七過沂河橋行四十里至沂州又行三十里至鵝莊打尖又行二十里宿伴城鵝莊伴城皆沂州地

十八行四十五里至青駝寺打尖又四十五里宿垛莊青駝寺屬沂州垛莊屬青州沂水縣

十九行六十里至蒙陰縣打尖又四十里至嶧陽嶧陽濟南府新泰縣地也嶧山在其西北國語魯有具山敖山疑卽此山

二十行二十里至新泰縣又二十五里至翟家莊打尖又三十五里至羊流店羊流晉太傅羊叔子故里也其地有玉皇閣登高遠眺徂來新甫兩山秀錯汶流繞其南雲嶧

峙其東亦一佳境也翟家莊羊流皆新泰縣地

廿一行三十里至化馬灣又二十五里至崔家莊打尖又四十里至泰安州化馬灣崔家莊皆泰安州地

廿二行五十里至店苔打尖又十里至長城鋪又四十里至張夏店三地皆長清縣屬也張夏店東北去濟南府城八十里

廿三行五十里至杜家廟打尖又二十里至齊河縣又三十里至晏城鎮晏城相傳爲晏平仲之采邑屬齊河縣杜家廟屬長清縣

廿四行四十五里至禹城又十五里至劉普站屬禹城打尖

又四十里至平原南二十里鋪

廿五行二十里至平原縣又五十里至黃河涯打尖又三十里至德州渡衛河而西北行二十里至留智廟屬衛河爲漕艘往來之路今因水凍有浮橋可渡留智廟屬德州其北卽屬景州爲山東北直交界之所

廿六行四十五里至景州打野尖又三十里至漫河鎮屬城又二十里至阜城縣

廿七行四十里至富莊驛屬交河縣又三十里至單橋打尖又十二里至獻縣又二十八里至商家林按碑記獻縣古壽陵地其南十餘里有河曰滹沱昔民有單姓者建橋

利涉因以名其地云單橋商家林皆屬獻縣又按碑記獻縣三面距河今縣北十里有臧家橋其水疑卽滹沱也

廿八行三十里至河間府又二十里至河間縣二十里鋪

打尖又三十里至石門城

屬任邱

又七里至關張村又十三

里至任邱縣

廿九行四十里至莫州又三十里至雄縣莫州本古州名今廢屬任邱縣自莫州至雄縣中間皆爲湖有長隄貫之人馬皆從隄上行隄之中有鎮曰趙堡口

正月初一行四十里至白溝河

屬新城

打尖又三十五里至

新城縣

初二行六十里至涿州打尖又四十五里至寶店

屬良鄉

初三行二十五里至良鄉又二十五里至長新店又八里至蘆溝橋打野尖又二十五里至彰義門是夜宿孫長班家

初四至接待寺寓中

初八過堂

丁未

南旋記

三月初二同嵩來瞻武英行跨驢出東便門午後至張家灣登舟少頃襄平皇人亦至時隨行者裝行李大車上經通州城城內壅擠車阻不得行明晨始至

按徐文貞張家灣城記曰自東

門東南行六十里有地曰張家灣水陸之會也嘉靖甲子始築城東南濱路河阻水爲險西北環以濠

初六放船至張家灣南門初四五兩日因舟人有事故至是始放船

初七去河西務數里泊船

初八早至河西務泊楊村

初九泊丁字沽

初十早至天津衛午間過關泊船關外自張家灣至天津皆順水舟人謂之北河

十一泊靜海縣

十二泊馬廠

十三飯時至青縣自天津至青縣皆濁流其水從青縣西南而來自青縣東南則皆清流兩流合處如一線中分又行三十里至興濟縣又三十五里泊船去滄州五里

十四早至滄州州之南有朗吟樓多人題詠晚泊馮家口此地東岸屬東平縣西岸屬交河縣皆河間府地河間府凡十六縣二州滄州八縣在衛河東岸景州八縣在衛河西岸

十五至泊頭

十六至東光縣

十七至桑園

十八至老君堂

十九至德州

二十至故城縣

廿一大風泊故城縣不行

廿二至甲馬營

廿三去渡口驛十里

廿四泊王家淺去臨清十五里

廿五早至臨清日中進城泊船南板閘外南板閘臨清下閘也自天津至南板閘皆逆水舟人謂之御河卽衡水也蓋衡水自河南而來至臨清而與汶合迤邐而北數百里

至天津入海臨清一州爲汶衛二水合流之處南板閘乃自京而南第一閘汶水北流出口之處也衛自臨清南門入汶自東門入汶衛合流自北門出

廿六飯後過南板閘比暮過輒閘泊船關外執閘臨清上閘也又名新開閘

廿七飯後過開臨清凡二閘二關俱在城內日中抵戴家灣閘此閘屬清平縣東去縣四十里閘南月河上有來青寺寺有觀音閣可遠望月河之制環繞閘旁水涸則塞水溢則開以殺水勢亦名洩水河凡閘皆有之

廿八廿九泊戴家灣守閘

三十早過戴家灣開日中過土橋開又過梁家鄉開晚去
新開里許水淺不行新開又名永通開

四月初一飯後放船抵新開口守開

初二守開不行

初三早過新開日中抵東昌府開口按碑記東昌卽古聊
攝春秋戰國時爲齊之西境魯仲連射書處也漢爲東郡
唐爲魏博地濟深環東清衛遶北城中有五層樓樓名光
岳取挹三光而齊五岳之義或曰取有光東岳之義城東
開河東岸有三元宮極壯麗嘉靖時進士丁懋儒碑文云
三官之神國朝祀典所不載有天地水府之說有上中下

三元之序意其神蓋古之司天司地治水有功德於人者如蔣收句芒之類後人承認習舛因有三元之名云

初四初五泊東昌府守閘

初六午後過東昌府閘更許抵李海務閘

初七早過李海務閘至周家店閘

初八早過周家店閘飯後過七級上下二閘至阿城下閘

初九飯後過阿城上下二閘至荆門下閘

初十早過荆門上下二閘飯前至張秋張秋屬陽穀縣一

名安平鎮有城船皆從城中過飯後至沙灣沙灣有河決口其水自全龍口來今已塞然此處河面甚闊是日適遇

大風折柁舟幾厄幸同帮者共救得免夜過戴家廟閘又過安山閘

十一飯後過靳家口閘日中至袁家口閘

十二十三泊袁家口守閘

十四午後過袁家口閘又過開河閘更許至北柳林閘

十五午後過北柳林閘至南旺分水龍王廟按碑記南旺湖卽古大野週迴百餘里跨漕東西其東湖跨汶南北南曰蜀山北曰馬踏大抵自北柳林直至濟寧其東隄外一帶大水皆南旺東湖也其西湖今已淤塞非東湖北自臨清南板閘至分水廟亦皆逆水自分水廟以南則皆順水

三十一
矣比暮過南柳林開更許至寺前鋪

十六日中過寺前鋪開午後至火頭灣開是夜微雨自出
京後至此始雨

十七晚過火頭灣開因舟人訛傳荷蘭國進貢有捉船之
做不肯行

十八午後至濟寧濟寧卽古任國其南城上有李太白酒
樓乃太白與任城令賀知章飲酒之所有太白所書壯觀
二字城外有古南池杜子美有游南池詩卽此地也與太
白樓相對自南池渡橋而南有報功祠西向祀諸水神及
宋司空而下治水諸臣者萬歷時總理河道萬恭碑記曰

濟寧地當濟洸沂泗之交唐武德中尉遲敬德爲盧龍節度使苦北地餉道乏絕乃開呂梁夫呂梁者非孔子所舊觀龍門者尉遲公以其險類眞呂梁故借名如東坡赤壁者云遡四百里而上及任爲天井開閘故尉遲公所建特堅緻不敗底石博厚專車刻云大唐武德七年尉遲敬德建而今治河者誤爲元人分水創建非也元肉食者鄙襲唐人之誤餉上都向天井而分水焉夫濟寧地舊與徐境山嶺齊洶勢便形利矣乃仰視南旺而南旺地簪又與任城太白樓岑齊敵水而逆諸南旺凡九十尺胡可分水宋司空則從南旺分流焉而古天井閘故在然委也非源也

報功祠逆濟寧南門而峙沂泗流於右汶濟流於左皆匯於祠之前方折千二百里而入於安東注於海則報功祠實扼濟沕沂泗諸水而襟帶於任按此碑敘地勢最悉蓋濟寧爲汶泗合流之處其自城之西北而達於南門者汶之合濟而來者也自城之東北而達於南門者泗之合沂沕而來者也然詢之士人云泗水來處順治時已改從他道今未詳合於何處濟寧東去曲阜九十里

十九午後過天井關

三十早過任城關至趙村關更餘過關

廿一飯前過石佛關日中過新店新莊仲家淺三關謁子

路廟午後過師家莊棗林二間夜過南陽關

廿二飯前過利建邢莊二間飯後過洙海關自南陽至此
旁皆大湖在北地者爲昭明湖日中過楊莊關至夏鎮午
後過開泊關前按碑記夏鎮一名夏村亦曰夏陽此地爲
沛縣之東鄙蓋一聚落耳自沽頭河淤塞乃改鑿新河以
通洳而夏陽南接邳宿北隣汶泗東界滕嶧西扼曹單遂
屹然爲重鎮士人趙又如曰漕河自嘉隆以來凡三變其
始由魚臺穀亭過沛縣至徐州此舊路也繼乃經夏鎮至
徐州而不過邳是爲新河最後乃從夏鎮東開洳河而不
至徐今自夏鎮東折而爲八間達於洳口者此洳河也其

東南流至徐州者有大隄塞之順治時雲間顧大申見山
有兩河書院至顧見山又改爲兩河書院并祀盛公以下
五人其文略曰今上御宇十有四載大申以屯部郎中奉
聖書視河夏鎮受事之初歷徐沛經滕嶧訪求新泲兩河
疏塞故事邦之長老猶能道之其言曰嘉靖萬歷之間河
患屢告往往漕與河爭道河自西東決則衝曹單橫射魚
臺穀亭而潰漕之脇自北南灌則淤沛睢截徐泗涸大浮
橋而扼漕之吭於是欲議利漕不得不先議避河南陽口
新河之役自松陵盛公始也功未底夏村怨謗士聞落職
去自是數十年無敢議改者世宗乙丑河逆溢漕艘弗克

達萬安朱公被命濬盛公未竣工言路有劾公虐民者遣
官勘議疏再上得報可留城之功以舉神宗之初徐邴屢
塞湘源舒公鑿韓莊河四十里沁水劉公繼之復益沁口
河百二十里咸以功鉅費繁中輟甲辰大開沁河遂成功
於長垣李公云然人情紛紜李公幾曾不聽也議者謂松
陵爲萬安之權輿長垣爲湘源沁水之嗣美凡以去河漸
紆則害漕日淺自泐流通遂而河自爲河漕自爲漕且漕
資河之利而河不爲害者基六十載大申聞而歎曰嗟乎
當日賢士大夫之拮据荒度如此夫從古任水之難難於
任事任事之難難於慮始暑雨祁寒民日怨咨利未及身

罔不騰日及觀厥成而億禩稱便也歷數前後經理雖由
明君哲相始終倚任而諸君子之興而輟輟而復集招尤
叢謗曾勿利鈍之是計而身名之是圖以幾於永賴者不
誠忘身體國矯矯烈丈夫哉傳曰以勞定國則祀之五中
丞者烏可以無祀盛中丞應期吳江人朱少保衡萬安人
舒少保應龍全州人劉司空東星沁水人李少師襄毅公
化龍長垣人書院旁有聖廟及義學塾師教習其中官給
廩餼亦南北所僅見又有金龍四大王廟極壯麗有姚公
希孟碑文大略言金龍四大王余初以爲必龍神及觀朱
平涵相國所著湧幢小品載神事甚詳神姓謝諱緒朱謝

太后之族兄弟四人神其季也見宋日衰隱居金龍山宋

亾赴水死明初嘗顯神因得敕封云

徐文貞漕運新築記曰先皇帝之四十四

年秋河決而東注自華山出飛雲橋截沛以入昭明湖於是沛之北水逆流歷湖陵孟陽至谷亭若千里其南溢於徐渺然成巨浸運道阻焉萬安朱公衡奉蠶書總理其事規復沛渠之舊而時渚者為澤於者為沮如疏與塞俱不得施公喟然言曰夫水之性下而茲地下甚不獨今不可治也即能治之他歲河水至且復淪沒若運事何召諸吏士及父老而問計或曰道南陽折而南東至於夏村又東南至於留城其地高河水不能及昔中丞盛公應期嘗議鑿渠於此而不果就其迹尚存可續也公率僚屬視之果然馳疏以請詔報可凡鑿新渠起南陽迄留城百四十一里有奇疏舊渠起留城迄境山五十三里當議之初土也或以為方命或以為厲民諍之以眾口撓之以貴勢詎之以重謗脅之以危言賴先皇帝明聖不怒不疑公始得竭智畢力以竟厥初志然則茲渠之成固公之力實先皇帝成之也昔禹治水盡舍其前人堙塞之圖而創為疏導之說彼其驟聞者豈無或駭且謗乎惟舜信之深任之篤至

八年而不二禹是以得建萬世永賴之績則洪水底平雖謂舜之功可也而虞夏之史臣與後世之文人咸知稱禹而莫知頌舜其得爲探本之論哉
贊其議者河道都御史潘公季馴

廿三飯後過關比暮過韓莊開自夏鎮至此旁皆大湖疑卽赤山湖也夜至得勝關

廿四早過得勝關日中過莒梁橋開午後過萬年莊開夜過丁家廟開

廿五早過頓家莊開飯後過候選關午後過臺兒莊開泊船

廿六飯前過泃口晚泊審灣口

廿七飯後出董家口自審灣口至董家口中過駱馬湖駱

馬湖至宿遷西數里入湖董口反在駱馬湖口西數里舟人云湖水盛大時輕舟可竟出駱馬湖口至宿遷不必由董口也日中至宿遷宿遷在河北岸河自西而來至此乃折而南葢河行數里一折此其一也晚泊崔鎮是夜大雷雨

廿八早泊桃源東岸守風不行晚泊三岔

廿九早進清口泊船禮神清口乃河淮交會之處河自北而南淮自西而東至清口乃合流而東船入清口西行逆流半里許乃折而東南行順流至天妃閘閘西有甘羅城故址閘南有大湖閘北卽河淮交會之處兩邊皆以隄障

之以達於清江浦午後過天如關晚至淮安泊關外淮安
凡三關向在清江浦及板關近因撤關差但委於淮海道
故移在府城外清口全龍廟有蘇茂相碑文其略曰國家
歲轉東南數百萬之粟以實天府皆出淮安清口以達於
北清口者淮與黃交會處也黃濁淮清必淮足抵黃疏始
無壅天啓丙寅春茂相奉璽書來董漕務五六月間南旱
北霪淮勢弱黃挾雨驟漲倒灌清江浦高郵之墟久之泥
沙堆於清口幾爲平陸中間僅一泓如綫關外有漂母祠
韓信釣臺

三十守關不行

閏四月初一守關不行

初二午後過關晚泊涇河

初三泊高郵

初四日中至揚州過關泊船

初五早至瓜州飯後過江至鎮江夜泊船丹徒自天如閘至瓜州二閘皆順水

初六泊奔牛有明初王慎碑文云距毘陵城西三十里而近爲奔牛堰沂堰水西行又百八十里歷雲陽達京口爲餽河其地勢東傾蓋堰不足以時蓄洩也古嘗於京口呂城奔牛爲三牐莫詳其創建之始考圖志丹徒水道自六

朝來通吳會，隋初壅塞，煬帝時有詔浚治，則是牐在齊梁前已有之。宋陸放翁謂自創爲牐，河時三牐已具。其說近是。軍鑄曰：昔人創望亭呂城、奔牛三堰，蓋爲丹陽下至無錫、蘇州地形東傾，古人創三堰所以慮運河之水東下，不制是故創堰節之以通漕運。

初七早至常州，泊毘陵驛，前吳行上岸，另覓小船至江陰。余五人日中開船，夜至洛社。

初八至新安。

初九日中過潁墅關，晚至蘇州，泊胥門，連日皆大雨，不上岸。

初十飲時過吳江，晚泊王江涇。

十一飯後至嘉興午後至平湖二更餘至家

附漕河至北京路程

京城四十五里通州 十五里張家灣登舟 十里李兒

泗 廿里漷縣 廿里和合驛 廿里蕭家林 十里

板簪口 十里靳家莊 十里紅廟 廿里河西務河

西驛屬武清 四十里蔡村 十里白廟 十里蒙村

十里黃家務 十里楊村驛屬武清 廿里滿溝 十里

桃花口 十里尹兒灣 十里丁字沽 十里天津衛

楊清驛屬武清有戶關 三十里楊柳青 廿里新口 廿里

濱流屬靜海 十八里靜海縣奉新驛 四十里唐官屯

三十里流河驛 十里馬廠 三十里清縣 三十

里興濟縣乾寧驛 四十里倉州長蘆鹽運司 十里東岸

廿里磚河驛屬倉州 十五里石窩兒 廿里薛家窩

廿里齊家堰本七家堰因七齊聲相近故俗誤為齊家堰 廿里油坊

十里下店口 十五里東光縣 三十里蓮兒窩驛屬吳

橋 四十里安陵 三十里桑園良店驛 三十五里老

君堂 三十五里德州德水驛 四十里四女祠 三十

里故城縣屬河間府景州河東屬德州 廿里防前鎮 三十里鄭

家口 三十里甲馬營驛屬武城 四十里武城縣屬高唐州

三十里渡口驛屬臨清 十五里油房 十里客廠

四十里臨清州上下閘清源驛有戶工兩關一在下閘上一在上閘上三十

五里戴家灣閘屬清平三十里魏家灣清陽驛十二里

十橋閘屬堂邑十五里梁家鄉閘二十里新閘屬聊城

二十里東昌府通濟橋閘閘在府城東崇武驛十八里李海

務閘屬聊城十三里周家店閘屬聊城十五里七級上

下二閘屬陽穀十五里阿城上下二閘屬陽穀八里荆

門上下二閘屬陽穀陽穀在閘西南四十里東阿縣在閘東北四十里十二里張

秋屬陽穀十里阿井去張十二里沙灣廿里戴家廟

閘屬東平廿五里安山閘屬東平安山驛三十里靳家口閘

屬東平○此地西與梁山相望梁山屬壽張廿里袁家口閘屬汶上○汶上縣在閘東

二十五里鄆城縣在此地西南百
里曲阜縣在此地東百三十里
十八里開河開

驛屬
汶上
十里北柳林關
屬汶上馬踏湖繞其東
五里南旺屬汶上

五里南柳林關
屬汶上
十里寺前鋪關
屬嘉祥其關屬汶上有大

長溝小長溝
獲麟古渡
三十里火頭灣關
又名通濟關屬濟寧其關屬鉅野有耐勞

坡安
居
三十里濟寧州天井關
任城關
濟寧東去曲阜九十里東

北去泰山
二百餘里
五里趙村關
五里石佛關
十里新店

關
五里新莊關
十里仲家淺關
有仲由廟
五里石林

疑卽師
家莊
五里魯橋
自天井關至此皆屬濟寧
七里棗兒關
又名

棗林
十二里南陽關
屬魚臺
十八里利建關
又名里店
十

二里邢莊關
屬魚臺
四十五里宋家關
卽洙海關自南陽至此旁皆大

湖

三十五里楊莊閘

十里夏鎮閘

泗亭驛○屬沛縣有戶工二閘

此地沛縣東北四十里在徐州東北百二十里

七十里八閘

名韓莊○自夏鎮至此有

大湖閘旁復有閘引湖水入漕湖中

十八里七閘

得勝十二里六閘梁

橋

六里五閘

萬年莊

十二里四閘

丁家廟

六里三閘

頓家莊

八里二閘

侯選

十二里一閘

臺兒莊自得勝閘至此皆屬輝縣

三十里泃口

有水口自東來

六十里貓兒窩

有水口

三十

里窩灣口

此有水口自蒙山來

三十里劉家口

十里馬湖店

四十里董家口

出河口

二十里宿遷縣

在河北岸自夏鎮開來者

在此照票至淮安繳票

十里小河口

十里陸家村

十五里

白洋湖

大鎮在河之南

二十里古城

小鎮在河之北

三十里崔鎮

在河北東

岸屬桃源

廿里滿家灣

廿里桃源縣

在河南西岸
河自董口東

至宿遷乃折而南每數里一折至此又折而東○桃源驛

十五里張泗冲

屬桃

十五里三岔

在河北

三十里清河縣

清口

十二里

清口

收河口

三里天妃閣

屬清河亦

十五里清江

浦有戶工二關今移府城外○有移風下關○淮安曰

適因尋故道歸清江浦

十五里淮安關○有移風上關

市移府

十五里淮安府

海陰

四十里平河橋

城外

三十里寶應縣

安平

二十里劉家壩

湖

二十里汜水鎮

二十里界首驛

十里六安關

二十里清水潭

二十里高郵州

三

十六里露筋廟 三十里邵伯驛 六十里揚州府寶陵

驛有戶關 三十里瓜州鎮上下二間出江 鎮江府丹徒

縣京口驛進京口上下二 二九丹徒鎮 三九新豐

鎮 五九丹陽縣雲陽驛東門外有三義關。丹陽縣東有七里橋從此而南則至金壇奔

牛另有口子可出孟河至江 五九呂城 二九奔牛 十五里洞

子河 十五里常州府毘陵 二九七字堰 一九橫

林 三九洛社 十五里高橋 十五里無錫縣錫山驛

三九新安 二九望亭 二九許墅關有小關可轉 二

九蘇州府姑蘇驛 一九滅渡橋 四九吳江縣 二九

八尺 二九平望驛 三九王江涇 三九杉青閘嘉

興府

附漕河路程

鍾吾驛六十里至直河驛

屬淮安邳州有遷縣

曹家店

莫家莊

十里至

阜河淺

二十里至

龍江淺

十里至

至

直河驛六十里至下邳

音驛屬邳州

直河巡司

驛對岸十五里至

沙防淺

睢寧地方三十里至

匙頭灣

十五里至邳州

下邳驛六十里至新安驛

屬邳州驛在南門外

圯橋遺跡

在城內

張子房授書樓

四十里至

新安遞運

所

新安驛六十里至房村驛

屬邳州

馬家淺

二十五里至

雙溝淺

二十五里至

黃河嘴

房村

集

二十五里至

房村驛七十里至彭城驛

屬徐州驛在北岸

呂梁上下二洪

新立城小洪在驛前大洪在工部司前

洪口集

五里

黃鍾集

彭城驛一百五十里至夏鎮

屬徐州

泗亭驛

沙河驛過

徐州洪

桓山

即宋桓魁石櫛也

境山鎮

茶城口

中閘

此以下係新河萬曆年間開

內華關

牛角

灣 丁家溪 豆腐店 高皇廟

附邊海郡邑衛所

海自雷州府始迫內地迤東而肇慶之清耶廣州之新
寧惠州之平陸及漳泉之金門銅山興化之平海福州
之閩安溫州之蒲門迤北而台州之臨頑寧波之大嵩
等衛至寧之東北爲定靜龍山而海岸西折至觀海爲
寧之西北三山爲紹之東北壤址相接此東南海岸第
一口也界中爲錢塘出海之處其北則杭之海鹽嘉之
海鹽澉乍及松之金山衛而海岸又北歷青浦上海及
蘇之吳淞嘉定而海岸又西其南北對峙者南則常州

之江陰常熟北則通州泰州此東南海岸第二口也界
中爲長江出海之處然崇明海門兩岸會哨故鎮江金
山得恃無恐迤北爲淮安爲河濟出海之處然波勢衝
激帆檣難集又迤北爲青州登萊外護賊不敢舍舟就
陸棄長技而敵騎兵也又迤西北爲濟南之濱州等縣
會通出海之處則天津重守所不可頃刻弛也至如東
北遼東則衛所聯絡大洋曠絕且石磯暗礁海道難犯
籌海者所不必計也總之天下濱海之郡除雲南荒徼
自雷州起至遼東延袤萬里歷省六郡二十有四其他
衛所不計焉出海要口有四其他支河雜港不計焉

附沿江郡邑

江源起自四川岷山東南而至成都之新繁縣分而爲二環成都而合於新津南行而至敘州府東折而至重慶接漢支流又東而至瞿塘此江流川中地也出瞿塘而爲夷陵爲襄陽爲荊州至桑鎮而與漢水合迤東爲承天之景陵爲德安雲夢爲黃爲蘄至黃梅至小孤山江勢遂折而南環安慶而北至濡須口而又東爲和爲儀真爲揚爲通爲泰此沿江北岸一帶地也其在南者荆之枝江松滋與襄陽對公安石首與荊州對漢陽一云漢陽在江北武昌府對武昌與德安黃州彼此遙映九江池州與

蘄州安慶門戶相當至蕪湖一邑爲江流環折之衝北
接和州西控無爲誠哉南北之要津也自此而東則龍
盤虎踞金陵之形勝爲雄舟車輳集鎮江之衝要爲最
所賴江陰靖江與通泰互映爲長江萬里之關鎖此沿
江南岸一帶地也

以上二條係
子與所輯

湖廣黃州府北與汝寧府交界東與廬鳳二府交界西
與漢陽府交界南與武昌縣隔江相對

由廣州至南雄十二站計一千一百六十里經三府

廣州

韶州七縣地方

番禺三水清遠英
德曲江始興保昌

上水十六日

由南雄過嶺至南安一站計一百二十里歷一日

由南安至江南省城十六站計一千四百四十里經五

府

南安贛州吉安臨江南昌

十三縣地方

大庾南康贛縣萬安太和廬陵吉水峽江新淦清江

豐城南昌新建

下水歷十一日

自南昌府至南京十五站

鄱陽湖分東西二湖西路

徑而平東路曲而險但冬月水淺西湖難行二湖至鷹
嘴口乃合路至九江府湖口縣入揚子江

安慶池州太平應天

三魚堂日記卷二

吳江後學柳樹芳湄生校刊

丁未

南游記

六月初二飯後開船至邑

初三午間同仲宣自邑中開船至嘉興寓王心宇家

初四薄暮下船

初五至雙橋

初六午後至杭寓昭慶天香房

十八飯後叫湖船至出山埠陸行至江干埠頭徐龍浦家

寫船薄暮下船

十九午後過富陽縣又行四十餘里泊船是夜大風雨雹
二十午後至桐廬縣又行二十餘里泊船

廿一飯前過嚴子陵釣臺晚泊嚴州富春驛前

廿二至蘭溪縣

廿三早在蘭溪開船行二十餘里至水家灣因舟子家於
此泊船不行

廿四午後過龍游縣停步又行二十餘里泊船

廿五飯後過衢州府又行四十餘里泊船

廿六日中至江山縣薄暮至清湖

屬江

廿七午後在清湖起旱至石門街

廿八早過江郎山日中至峽口打中火午後過密嶺至保安橋

廿九早過仙霞嶺至廿八都打中火日中過楓嶺一名大竿嶺

自清湖至楓嶺皆屬江山縣楓嶺以南則浦城縣地此乃浙閩交界之所午後過五顯嶺至九牧鋪

七月初一至仙陽鎮打中火晚至浦城縣

初二早出浦城縣東門行二十五里至富嶺街打中火又行二十里至洋頭清湖轎擔不熟此路至此不肯行

初三在洋頭另雇擔夫步行十五里至前洋此地有一路可至龍泉

又五里至南坑又五里至河源河源乃浦城慶元交界之

地又十里過打鼓嶺至上源

初四在上源另雇擔夫天雨不行

初五飯後自上源步行五里至湯源又十里至漈下又十里至上漈打中火又十里至中漈又五里至下漈又五里至竹口自洋頭以來山路崎嶇至上漈地稍平

初六行十五里至新窰又五里至山後嶺又五里至棘蘭隘又五里至菊水打中火又二十里至慶元縣

八月廿七飯時在慶元縣起身晚至竹口

廿八至上源

廿九至富陽街

九月初一天雨不行

初二自富嶺起身行二十里至艸鞵嶺又十五里至上湖打中火又二里至周家堂此地屬閩浙大路走浦城者在此分路又十里至仙陽街又十五里至魚梁

初三早過九牧日中過五顯嶺又行數里有盤天嶺走永豐廣信者在此分路又行里許至楓嶺打中火晚至廿八都

初四行十里過小竿嶺又二十里至保安橋打中火又四十里至江郎街

初五日中至清湖寫船

初六自清湖開船晚去衢州三十里泊船

初七日中過衢州晚去龍游三十里泊船

初八早至龍游驛前午後至蘭溪又行十五里至女埠

初九飯前至嚴州驛前又行二十五里至胥口

屬建德又三

十里至釣臺謁嚴子陵祠又四十里至桐廬縣

初十日中至富陽縣風大不行

十一日至江頭上岸至出山埠途遇王子和年兄坐談片

時遂叫船至昭慶

十七夜至家

按志慶元縣五季時爲松源鎮王審知據閩奪而有之

迄宋屬處州龍泉至甯宗慶元三年吏部尙書胡紘請
於朝以所居松源鄉爲縣遂以年號紀名故曰慶元元
因之至明洪武三年復屬龍泉卽以縣治改爲慶元巡
檢司至十四年復爲慶元縣隸於處州府自縣治至本
府四百里至本省一千餘里青田在其東北浦城在其
西北東至福建壽甯縣界九十里南至福建政和縣界
五十里西至福建松溪縣界三十里北至龍泉縣界五
十五里東北至景甯縣二百里蓋三面隣閩惟北則距
龍泉景甯四塞皆山縣脉發於正南天馬山逶迤曲折
從西轉東直抵縣治南控霞帔北引象山溫陽聳其左

石龍蟠其右仙桃列於東南薰錦二山名峙於西北大溪

自東以北瀦迴波瀾旋繞縣山多田少地僻民稀舟楫不通市無奇貨民惟重本薄末農圃之外無餘事也故上戶貯蓄以爲富中戶力田以自給下戶佃耕食其羨餘而已是以富不至巨萬貧不乏食亦樂土也自宋南渡以來詩禮相承英才輩出魁天下而贊廊廟者代不乏人至明宏治以後人文否塞科第絕響縣治東有狀元坊爲宋大觀庚辰科狀元劉知新立西有尙書坊爲宋紹興甲子科陳嘉猷立又按廣輿記王伯厚名應麟開慶間嘗充讀卷官得文信國卷亦慶元人

己酉 陸筆 四月初八日起

凡人有事而我欲助之當置身事外不可身入事中

此戊申年

話山叔祖語

凡事不可輕隨人

此丙申年仲堅叔祖語

滔滔者天下皆是也君子欲卓然秉正於其間同類者必惡其相形我即未嘗有所激亦難免乎人之忌況又從而激之禍不旋踵矣秉正既必為人所忌而君子又不可以不秉正然則如之何曰其惟義以為質禮以行之孫以出之乎學者不可不一日三復此言

此因四月初七過話山叔祖言及仕途之難而

識此

中庸云有餘不敢盡夫有餘之言非有悖於理也特有餘耳然君子且不敢盡此視詩人所戒斯言之玷者又加深矣出言時不可不思此語

四月初八因貞吉先生語而識此

司馬溫公我箴曰洞徹以解人之疑我洞徹非盡之謂也

言所當言耳

四月十八

游戲之言斷不可出諸口管記永則戒人曰莫道是詆諧其實是輕薄此至言也況在我無心之言或偶犯人所忌便恨不能忘嘗見朋友中往往有以此成隙者甚可懼也中正之士一涉詆諧人便輕忽其亦何取於此哉近日此風頗有亦有靜穆之士見眾皆詆諧我獨特正不洽於俗

強爲效顰不知守我靜穆未嘗不可見重於人何必學此

輕薄乃爲和眾耶

四月十八因吉翁有所戒衍此

在我不當以游戲而犯人所忌或他人游戲之言偶犯乎
我之所忌則不可揣其有心而含慍也卽或果出於有心
亦當自省不當惡人若我無愧於心卽彼人之言如浮雲
之過太虛耳何損於我若我不能無愧於心我方自修之
不暇而暇惡人耶

四月十八

聖人論孝曰色難當親心與己有不合之時色爲尤難

四月

廿三因吉翁言記此

人之待我有至陋者在我不可以陋處之有至刻者在我

不可以刻加之惟自處於仁禮可也苟我亦效其陋與刻焉旁人或不見彼之陋與刻但見我之陋與刻即若人亦且自忘其陋與刻但覺吾之陋與刻其招尤而叢怨也多矣即無論怨尤吾生平所自期待者何如乃效此輩所爲耶左傳曰楚辟我衷若何效辟斯言可三復矣五月初二有感自警春秋之義不責下責上不責小人責君子大易之義不憂衰憂盛以此思之人生何時可不戒謹五月初二

施存梅爲諸生時村居讀書嘗以糖食粉團誤蘸硯墨食

竟口盡墨不知也此雖不可爲訓然亦可想見前輩用心

之專

七月廿三武林寓中吉翁談

貞吉云人之作孽莫甚於口我聞人多矣見語言尖酸者
罕有不逢天譴如縣西中丞公之後賢否不一今其子孫
顯者其祖父皆木訥者也惟膽開最利口而今則已絕矣
嗣端之無後也其亦由此乎故人惟若拙若訥爲貴卽真
拙真訥亦何病乎吾在二十前見人能言者嘗自恥不如
自今思之亦正賴其不如也此皆聰明過人之質其言皆
足動人聽聞若彼肆言而無味者又不足論矣可不戒哉

七月
廿五

孝道至廣凡一舉一動不合於理爲人所嫌詬及父母甚

可懼也

八月十五吉
翁有感而言

作縣官爲民斷曲直職也而以賄焉失其職矣乃有兩造俱無賄者私心且不悅曰吾何爲爲彼徒勞是不惟失職且忘其職矣豈不謬哉

八月廿七北寺寓僧有感而言不十日而其言驗

收一僕則僕之親倚僕以橫於鄉里者不啻十人此十人者又各有親不啻各十人是一僕收而爲害者百人也豈不可畏哉

八月廿八聞叔祖談

成大事者必資眾力故小事不可輕動眾當養之以大用

也

廿八開叔祖有感而言

九月廿二同子與自吳門歸由尹山橋而東南出尹山湖過吳淞江暮宿於同里因論東南水勢蓋從蘇州至嘉興

自北而南者官塘也太湖在官塘之西吳淞江在官塘之東諸湖或在吳淞江之北如尹山湖是也或在吳淞江之南如龐山湖是也皆在官塘之東吳江縣乃吳淞江之首又古之水勢自吳淞而東直抵於海自吳淞壅塞水不能卽東乃折而南爲澱山湖又南而爲泖又南而東爲黃浦又東而北始達於海則其勢迂曲故常壅而爲患

昔趙漸齋乘輪出至時家灣偶觸一秀才其人大罵漸齋出轎從容敬謝之罵猶不止從者皆不能平漸齋惟自謝過而已後數日罵者犯人命漸齋聞之曰我累之矣使我稍與之計較其人當自戢不至於此蓋惟知含忍猶非盛

德之事盛德者須和顏色至誠以教誨之

九月二十吉翁有感而談

學中之有羅租也所以贍貧士也其弊也僅爲奸胥所侵食而借貧士之名以開報官府無一實受其惠者而小民則不勝其病蓋收租之際學胥縣胥勒索無所不至故種學田者未有不貧既貧而止則官爲召佃召佃無有應者則著總甲開報其有力者則賂總甲以免所開報者必貧弱之戶也故有學田之處附近居民無不受其累又學田亦有條銀吏胥復借其名發米於行場以易價所發者必濫惡之物而所徵之價或倍於常價則商賈無不受其病

矣

九月廿一北寺寓僧言

己酉

庚戌

公車記

己酉十一月十一日家中到平湖

十五到嘉興

十六同崧來駿功在嘉興開船泊關口

十七至蘇州泊閘門

十八飯後開船泊關外

十九飯前過無錫夜泊常州

二十飯前過丹陽夜泊鎮江西門

廿一早飯過江抵瓜州上閘寫船行數里止

廿二早至揚州過關因糧船挨擠泊關上不行

廿三夜移船東門

廿四薄暮始自揚州開船行數里止

廿五飯前至露筋廟閘口因糧船塞閘口乃復從外湖轉
晚泊高郵北門外

廿六因大風不行舊時運道在高郵北門外進金口閘迤
邐東北行無風波之患近因連年水災閘內岸卑恐湖水
淹沒乃塞金口閘糧艘自閘外從湖中北行遇風逆輒不
可開

王子九月初四因往淮上復過此
則從金口閘內行不走外湖矣

廿七早出湖口傍東岸行西望汪洋無際行二十里始收
口口邊東岸又衝決里許持畚插而築者如林舟傍西岸

行東望亦復汪洋無際舟人云此地名清水潭日中過界
音蓋首被災之民號呼道旁者猶纍纍也晚泊劉家壩去寶
應二十里

廿八早過寶應日中去平河橋四五里水淺不行舟人云
因此地前後河道淤塞故閉天妃閘來水欲涸之以爲挑
淺計也遣人至平河橋雇驟

廿九跨驢至淮安西門飯店是日遇虞景銘年兄始聞劉
夫子之變按淮安卽古淮陰驍功云山南曰陽北曰陰水
北曰陽南曰陰

穀梁天王狩于河陽傳
云水北爲陽山南爲陽

三十在淮安雇小船價二錢至清江浦閘口登陸叫擔擔

至王家營每擔七分半渡河渡河船一錢三分至王家營
楊荆石驛店中寫驛驛價每頭四兩五錢銀色約九一二
王家營舊地因上年河患盡蕩爲洪流此地移而東三四
里非復向時之王家營矣壁上有鴛河遊子渡河作蓋我
鄉遊者誌感也

計二月初一在王家營起程行三十里至魚溝屬桃打尖

又行五十里宿新集遇常州趙慎旃名中始知吳行之變

初二行二十里至崔鎮又二十里至仰音化集打尖又五

十里至宿遷仰化集屬宿遷新集屬桃源

初三行六十里至峒岵屬宿集打尖又六十里至紅花埠

屬鄒城

初四行五十里至鄒城打尖又二十五里至大埠

屬沂州又

四十五里至李家莊

初五至沂州打尖宿伴城集蒙山在伴城西北自伴城以
北皆山路

初六至青駝寺集打尖宿梁莊集是日午後大雪晚復晴
初七至蒙陰打尖宿熬陽

初八在熬陽雇轎與駿功共乘飯後始行晚宿羊流

初九在崔家莊打尖宿

音

泰安州泰安州在泰山之南歷

城在泰山之北萊蕪在泰山之東長清肥城在泰山之西

初十至長城鋪打尖遇沈仲舒宿張夏

十一至杜家廟打尖宿晏城自杜家廟以北皆平地無山路

十二至禹城縣西半里許打尖宿平原二十里鋪

十三早過平原縣又行三十里至曲路店又二十里至黃河涯打尖自曲路店北至黃河涯兩岸高聳中間行道如溝出潁卽爲黃河故道自西橫亘於東黃河涯之地在其北晚渡德州河宿舊智廟按漕河自德州東北行陸路自德州西北行

十四至漫河鎮打尖宿富莊驛

十五至商家村

十六至河間縣北二十里鋪打尖宿任邱縣

十七至趙堡口因橋斷雇船渡河打尖宿雄縣南門

十八早過白溝河橋至新城縣打尖遇朱廉菴南歸又行

三十里三家店此地屬涿州在州之東南

十九行三十里至涿州又三十里至琉璃河打尖又十五

里至寶店又二十五里至良鄉又二十五里宿常新店

二十午前進彰義門至孫長班家遂定寓

庚戌正月十六過堂

二月初七進內城小寓

十六復至外城寓

廿八揭曉長班至鴻臚寺報名

廿九黎明進朝謝恩於午門外行三跪九叩頭禮

閏二月三十至禮部領殿試卷

三月初一殿試黎明進至太和殿前行三跪九叩頭禮畢殿上傳策問下皆跪受起就位單東雙西皆立書

初三至禮部領三枝九葉頂

初四傳臚至太和殿前俟讀卷官朝畢鴻臚寺引諸進士分班跪下傳臚畢行三跪九叩頭禮隨榜出至東長安門外看榜

初六至禮部喫 恩榮宴

初十領 賞黎明至午門外跪受畢行三跪九叩頭禮隨穿便服至闕左門候內院選庶吉士

十五黎明至午門外謝 恩行三跪九叩頭禮

十六辰刻至國子監謁 先師廟先行二拜禮皆鵠立俟三鼎甲至殿上獻酒二三甲首名至兩廡分獻畢復行二拜禮而退出廟門鼓吹彩旗迎至彝倫堂見祭酒在監者行四拜禮餘行二拜禮祭酒坐受臺上設酒餚拜畢各拈花易服而出是爲釋褐時漢祭酒李仙根

十七遣長班至禮部繳頂

廿二會館迎賀宴於報國寺

四月十一午刻同松來出都宿長新店

十二琉璃河打尖宿三家店

十三白溝河打尖宿雄縣

十四任邱縣打尖宿河間北二十里鋪是日過石門見先

賢子路宿處碑碑旁有子路祠

十五臧家橋打尖按碑記其水乃滹沱河支流宿富莊驛

十六漫河打尖宿南留智廟此地有太山行宮自四月十

二至十八香火最盛

十七早渡德州衛河至曲路店打尖宿平原南二十里鋪

曲路店屬平原縣

十八行四十里至劉普站又十五里至禹城西里許打尖
又二十里至禹城南二十里鋪又二十五里宿晏城

十九杜家廟打尖宿張夏

二十行四十里至長城鋪又二十里至界首鋪打尖此地
屬長清又四十里宿泰安州泰安州去曲阜百五十里
廿一過汶河至崔家莊打尖宿羊流汶河在崔家莊之西
北三四里南旺在崔家莊西南不過三十里又按羊流三
官廟碑記曰羊流鎮乃司馬晉僕射羊叔子之故里西背
徂來東向罄甫汶水流其南泰岳環其北羊流之汶疑是

汶之支流非崔家莊西之正派也其水微甚俱平沙不若
崔家莊西之汪洋

廿二至翟家莊又至新泰縣打尖宿蒙陰縣翟家莊翟字
土人讀若追與宅字同音新泰店主人係里書其家有條
銀赤歷微糧皆錢七銀三蒙山長百二十里蒙陰泗水費
縣沂州所管蒙陰在山北其二縣一州俱在山南
廿三梨莊打尖宿青駝寺集

廿四鵝莊打尖宿李家莊自鵝莊南行四五里渡河掌鞭
云此卽沂州河至李家莊又東渡沂河疑一是沂之正派
一是沂之支流

廿五郟城打尖宿紅花埠

廿六峒嵒集打尖宿宿遷馬陵山在峒嵒集西土人亦謂之峒嵒山自峒嵒集至宿遷西卽駱馬湖東卽沐水行於二水之間土人云沐水自郟城而南過宿遷折而東北入海郟城北關所渡之水疑卽沐也沐水之西爲宿遷界東則沐陽界

廿七仰化集打尖宿新集是日遇雨

廿八漁溝打尖至王家營渡河叫擔至清江浦擡花巷雇小船至板閘換至淮安 河至王家營又折而東渡頭下船順流而南乃轉而東泊南岸 自清江浦至天如閘水

三
皆自西而東其北與大河止隔一隄民居皆在隄上

廿九暮泊高郵

五月初一暮至揚州關外

初二早步行過關換船

初三早在揚州開船至瓜州風雨泊江口不行

初四泊江口不行

初五風少息日中過江至丹徒鎮泊船

初六日中至丹陽適遇平湖避捉船者遂坐其船以歸晚
泊呂城自丹陽以北皆逆水自丹陽以東皆順水然此間
有江湖非一定也

初七日中過常州晚泊橫林

初入飯時過無錫自無錫以上皆順水至無錫則逆水過無錫又復順自此至嘉興皆順水矣晚抵關

初九早過關舟子尙畏吳門捉船不肯行

初十泊船不行

十一叫小船從虎邱至盤門會葉子偉晚復從虎邱至關上

十二叫小船復至常州泊橫林

十三早至常州候韓撫軍不遇至趙慎旂年兄家慎旂尙未歸晤趙年伯因畱夜飲年伯諄諄以古道相勸曰做官

如做文要反覆思維又曰立心第一事到不能兩全處甯
失官無負心苟負心以全官獨不爲子孫計乎又曰事須
參酌眾論問之左右問之疏遠問之鄉紳問之諸生庶無
蒙蔽之患又曰官不可不清能清矣不可敖清而敖取禍
之道也又曰士人初入官不能知錢穀之數勢不得不需
人彼習知錢穀者未必能守道義中途得吏便與關說及
至任雖至差謬不肯舉摘若過於防閑又非疑人莫用用
人莫疑之道此處最難故平時算法亦不可不學算法苟
熟則人庶不敢欺又曰徵糧設立圖差此大弊之道圖差
必攬納細戶之糧恣其侵食而不完納臨比支吾積久便

指爲逃戶官府無從辨其逃與不逃也然業戶可逃而佃戶不可逃吾在公安時凡稱業戶逃絕者喚佃戶至堂上責其完納卽其所佃之田官爲立文契以與之無幾時業戶皆自出願輸糧贖契縣遂無逃戶

此法須先合魚鱗黃冊爲一方知田之所

在

又曰在公安凡受詞訟必召而勸之告之以官府之不

能盡明胥吏之不能不索詐與其受辱於官吏何如息一朝之忿爲愈必不可已然後聽之往往有懷詞而去者又曰良吏欲息訟則奸民必越訴今日某上司下縣提人明日某上司下縣提人官反爲之奔命不暇無法以治之在公安凡越訴者臨起解時先令其當堂具詞不能具詞者

口授吏書代爲具受而審之重責其曲而越訴者然後起
解上司復諭原差俟上司審後必帶回縣覆審於是人無
敢越訴者今又有畏縣官越訴之責乃愚上司又曰今之
在衙提人者此更當有法以處之縣令惟逃人盜案最易誣誤此必嚴保甲保甲苛嚴凡本
地人之出者與異方人之至者皆有稽查則奸人自無所
容庶可無二者之患其法必責成總甲總甲雖微賤亦必
有良心須感之以德諭之以利害不可一概輕賤凌虐又
曰昔之積陰德者只在愛百姓今之積陰德者尤在愛紳
衿紳衿中賢否不一不優禮其賢者何以激勸其不賢者
乎馬培原宰武進秀才以文章見者必使公服見之於賓

館與之坐其以事干賓者必坐堂上而見之必服青必跪
趙年伯名繼鼎庚辰進士公
安知縣以卓異升兵部主事

十四在常州開船

十五早至關上自關上開船晚至嘉興

十六至家

壬子 淮游記

八月廿八泊王江涇長虹橋

廿九泊蘇州楓橋

三十泊橫林

九月初一泊丹陽

初二過江泊揚州關上

初三至邵伯

初四飯時至高郵晚至界首

初五至寶應因淮安城西楊家廟決口未塞自寶應以北皆水壑不可行

初六在寶應步至平河橋雇騾至淮安西門雇小船至板閘寓三元閣

廿一在板閘遇海鹽曹年翁自京師歸詢知黃河水勢蓋河向自黃家嘴而南今決自黃家嘴而東黃家嘴以南俱淤於是回空糧船乃自黃家嘴決口順流而東復折而西

逆流過王家營至清口自京陸行歸者過新集則非復舊
路須沿河至黃家嘴渡決口復沿河至王家營聞徑從宿
遷渡河至清江浦此路爲穩黃家嘴在桃源之下

廿三張繩其年兄自京師水路歸過板閘詢知董口久淤
北來船皆出駱馬湖口繩其言京師交際之無益及旁聽
之弊皆可慨嘆又言王伯勉東籬之清節爲今日中流砥
柱使人聳然

廿五南歸

初五至家

三魚堂日記卷二終